

UPV/EHUko BARNE EBALUATZAILEEN PRESTAKUNTZA TAILERRA (2024ko abendua)

ECTS kreditu kop.: 1

Norentzat

Ikastegiaren kalitatea ebaluatzeko barne sistemen (KBBS) ebaluatzaile izan nahi duten ikasle, IRI eta TEKAZELEkoentzat. Ikastaroa egiten dutenak KEIZen Ebaluatzaileen Bankura pasatuko dira.

Ebaluazio oso baten praktika egingo dugu. Beraz, ezinbestekoa izango da ikastaroko saio guztietara joatea eta ariketa guztiak egitea.

Sarrera / Ikastaroaren deskribapena

Kalitate eta Ebaluazio Instituzionaleko Zerbitzuak (KEIZ) aholku eta laguntza teknikoa ematen die UPV/EHUko ikastegiari kudeaketa tresnak eta ebaluazio programak diseinatu, garatu eta inplementatzeko.

KEIZek eskaintzen dituen zerbitzu berrietako bat da ikastegiaren kalitatea bermatzeko barne sistemen (KBBS) barne ebaluazioa. Zerbitzu honi esker, ikastegiari kanpoko ikuspegi bat ematen zaio, UPV/EHUko beste ikastegi batzuetako ebaluatzaileek KBBSen gainean duten ezagutzatik.

Tailer hau esperientziaren bidezko ikaskuntzan oinarrituko da: parte hartzaileek ebaluazio simulatu bat egingo dute ikasteko nola egiten den UPV/EHUko ikastegi baten barne ebaluazioa.

Parte hartzaileek barne ebaluatzailearen rola hartuko dute. Batetik, banaka lan eginez, analisi ariketa bat egingo dute, indarguneak eta hobekuntza arloak antzemateko, eta, bestetik bateratze lana egingo dute taldean. Horrela, ebaluatzaile lanaren alderdi garrantzitsuenak landuko dituzte praktikan eta sor litezkeen arazoak aztertuko dituzte.

Parte hartzaileek tailerreko irakasleen laguntza izango dute ariketak egiteko.

Parte hartzaileak KEIZeko Ebaluatzaileen Bankura pasatuko dira, dagoeneko bertan ez badaude.

Ikastaroan landuko diren gaitasunak

- Ezagutzea UPV/EHUko ebaluazio ereduak eta irizpideak eta UPV/EHUko barne ebaluazioa egiteko prozesua. Kontzeptu horietan sakontzea.
- Indarguneak eta hobekuntza arloak antzematea, protokoloan ezarritako irizpideen arabera.
- Sinplifikaziorako, erabakiak hartzeko eta adostasuna lortzeko estrategiak aplikatzea barne ebaluazio txosten bateratu bat egiteko.
- Idazteko estilo eraikitzailea, konpletoa eta zehatza garatzea, ebidentzien analisisian oinarritua eta aztertutako sistema hobetzea xede duena.

Gaiak (Barne Ebaluaziorako Protokoloa 2024)

Barne ebaluazioaren testuingurua eta helburua.

2024ko barne ebaluaziorako erreferentzia eredu (ESG irizpideak).

Barne ebaluazioaren faseak.

Ebaluatzailearen rola: jarraibideak Antolaketa eta jokabide kodea, aurretiko gainbegirada dokumentazioari, bateratze lanerako bilera.

Ebaluazio bisita prestatzea eta egitea.

Amaierako Txostena: nondik norakoak eta idazteko irizpideak.

Atazak

Gaitasun espezifikoak	Ataza mota	Ikaslearen denbora
1	· Lehen prestakuntza saioaren aurretiko autoprestakuntza eta autoebaluazio testa	6 ordu norbere kabuz
1	· Online saioa	Zuzeneko 2 ordu online
2	· Banakako ariketa: dokumentazioa aztertzea eta indarguneak eta hobekuntza arloak antzematea	10 ordu norbere kabuz
1, 2 eta 4	· Banakako ariketa: lantaldeko kideek antzemandako indarguneak eta hobekuntza arloak aktiboki irakurtzea	2 ordu norbere kabuz
1, 3 eta 4	· Aurrez aurreko saioa: adostasun ariketa eta bateratze lana	Aurrez aurreko 5 ordu

Ebaluazioa

Ikastaroa gainditzeko baldintza hauek bete beharko dira:

- Dokumentazioa irakurtzea eta autoebaluazio testa gainditzea (erantzunen % 80 zuzenak)
- Prestakuntza saio bietara joatea (on line saiora eta aurrez aurrekora)
- Banakako analisia esandako epean eta eran egitea
- Aurrez aurreko saioko ariketak egitea

Gaitasuna	Ebaluazio tresna	Ebaluazio irizpideak	Azken notaren ehuneko
1	Aurretiko autoebaluazio testa	Erantzunen % 80 zuzenak izatea	20
1 eta 2	Banakako analisia	Dokumentazioa aztertzea eta indarguneak eta hobekuntza arloak zehaztea	40
1 eta 3	Adostasun ariketa taldean	Aktiboki parte hartzea talde ariketan	40

Datuak

Iraupena

Azaroaren 20tik abenduaren 5era: 25 ordu.

7 aurrez aurrekoak (bi orduko on line saio bat eta bost orduko aurrez aurreko saio bat), eta gainerakoa, 18 ordu, norbere kontura.

Datak, ordutegiak eta tokia

- Online saioaren aurreko lana: **azaroaren 20tik 30era** EgelaPin.
- Online saioa: **abenduaren 2an**, 9:00etatik 11:00etara, Teamsen bidez
- Aurrez aurreko saioa: **abenduaren 11n**, 09:00etatik 14:00etara, Bizkaiko Campusean (Leioa). Zuzenbide Fakultatea – I Ikastegia (3 Solairua, Justo Gárate gela).

Parte hartzaileen gehieneko kopurua: 25

Hizkuntza: Gaztelania

Irakasleak

Begoña Blanco (KEIZeko zuzendaria)

KEIZeko teknikariak

Izena emateko epea

Urriaren 28tik azaroaren 10era (biak barne)

Izena emateko baldintzak

IRlek eta TEKAZELEko langileek ikastegien kalitatea bermatzeko barne sistemak ezagutu beharko dituzte (AUDIT, MGA edo EFQM ereduak).

Izena emateko, [bete KEIZen web orriko formularioa](#). Plaza kopurua mugatua denez, goian aipatutako baldintza betetzeaz gain, izena emateko ordena ere hartuko da kontuan.

Matrikula baliogabetzea

Ezin bazara etorri tailerrera, mesedez, esan lehenbailehen, zure plaza beste norbaiti eskaini ahal izateko. Horrela egin ezean, ezin izango duzu hurrengo deialdian parte hartu.